庫全書

子部

體不失生於千載之下方欲追而定之非愚則妄矣意 欽定四庫全書 六籍裁於聖手然秦火之餘諸儒傳録豈無譌窺然大 有不安存疑可也宋人紛紛之論多有不信六經處就 鈍吟雜録卷四 讀古淺說 常熟馮班撰

次定马车全事

鈍吟雜録

其所得亦無大益一有僻失則得罪於名教歐公不信

能作繋詞否不信繋詞又何功於天下萬世歐公只是 其害耳讀六籍心有不合如見父母之過口不得言也 儒者於六經如法吏之於三尺一字動搖不得法吏定 繋 詞朱子深辯其謬以愚論之更不必多言只問歐公 也所以邪說競作更無以壓之宋朝諸君子直是未睹 罪必據三尺儒者論事必本六經自儒者之是非六經 不曽細讀 初讀時多不合久後學問進便覺得自家粗淺

次亡の事主書 信 讀孟子有與論語不同處當信孔子讀程朱之書有與 夫子曰信而好古宋人讀書未聞好古只是 程子論左傳云信其可信者如愚則不然不如闕其所 孔孟不合處當信孔孟 許也証也稱人之惡也宋人謂之英氣君子之所惡也 部讀史管見都是誇毀古人 鈍吟雅録 一肚皮不

孟子不為管仲他的時節霸道救不得南宋人也學他 只是正心誠意處不曽細細理會 齊家治國平天下是儒者大學問若於這箇下不得手 揚子雲只是妒他如武詞賦為童子之為亦是妒相如 消得開卷便苦口指摘須不比揚墨吾於此甚不平於 作文不可不識字如貫穿鞋字不應作串聽字不應作 太史公之於道吾未之審也此公自是一代賢者只不 却是風與不知痛癢說話

用祝咒古今字也令人有誤作二字皆文字大病 听體字不應作体皆別字也許訊一字也王弇州誤重

讀書不可先讀宋人文字 為勝鄭都官十日菊謬也荆公詩多滲漏上句凋零二 奪胎接骨宋人謬說只是向古人集中作賊耳冷齊稱 王荆公菊花詩千花萬卉凋零後始見聞人把一枝以

云不是花中偏愛菊此花開後更無花語意俱足鄭詩

我吟雜録

東記事全書

字不妥下句云一枝似梅花閒人二字牽凑何如微之

或問老杜學何人答之曰風雅之道未墜於地賢者得 **庾子山詩太白得其清新老杜却得他縱橫處** 處他人都是望影架子話 看齊梁詩看他學問源流氣力精神有遠過唐人處或 千古會看齊梁詩莫如杜老晚得他好處又晚得他短 亦混成非荆公所及 ۲ 如何是蒯朓驚人句答之曰叔源失步明速變色 人說李太白都不知他學問來歷

有 敖陶孫器之評詩如村農看市都不知物價貴賤論曹 千古惟老杜可配陳思王 其大者不賢者得其小者夫子馬不學而亦何常師之

唐也 宋人詩逐字逐句講不得領另具一副心眼方知他好 子建云如三河少年風流自賞只此一語知其未嘗讀

头子可事主書 四

處大約唐人詩工夫細宋人不如也看明人詩却須

纸吟雜録

字合小人只讀坡仙集 怒罵自是蘇文病處君子之文必莊重蘇公自有大文 東坡書有壞筆詩有壞句大家舉止學他不得 云我亦得一斗則康樂不敢當陳王也至唐有老杜始 王謝康樂云天下人才都得一石陳思王獨得八斗又 曰當今人才冠絕千古或問其說余曰千古只一陳思 句推敲方知他不好處 欽聚三自許甚高論詩云必得如杜子美余戲之 嘻笑

次定马事主書 曾說來應之曰吾文不是朱夫子 讀書人讀文字一味都是虚氣 矣不知今日如何生得許多子美嗚呼此正是不知子 及子美便云不足觀小兒女子皆須若此天下詩人多 美耳杜詩不可不學若要再出一個老杜恐不可得不 應之曰子產有君子之道四吾丈有幾變色曰朱夫子 云詩看子建親是千古只一子美也今聚三論詩但不 塾師浩戴日鄭子產親遇聖人而不聞聖人之道 鈍吟雑録

擇馬君子不以人廢言如云淡泊明志寧靜致遠斯言 也諸葛孔明嘗取之矣 揚子雲曰淮南聖人無取馬斯言過矣獨堯之言聖人 是吠聲之犬 文字但愛之至不知其稱之過也後人亦學他說話便 陶彭澤之人品髙矣美矣其詩文亦稱其為人歐文忠 文人有譏訶前人處須細細點勘不可便隨他一樣說 公云晉無文章惟有歸去來詞一篇豈得言晉人都無 13 F V 次足马車在書 一 學者意不誠心不正所以不能論古人只如夫子直道 若在唐以前人不妨傅笑一代矣宋人却多如此只是 儒者議論好與聖人相反臧文仲孔子所惡却要尋他 而行無毀無譽處都不曾理會 道耳未嘗禁其學也老子是唐人之祖如何禁得此言 新唐書禹祖本紀書禁浮屠老子之學當時只沙汰僧 功夫須從上做下不可從下做上嚴滄浪之格言也 後代人不讀書易欺不敢駁正耳 鈍吟雜録

之事不知被他壞了多少孔子殺少正卯在後世便行 姦雄最難處置無罪而除之則無名待其有罪則天下 少正卯吾不知其何人也據後代之人言之甚似王安 柳子厚封建論本於吕氏春秋子厚多學子書作文字 信孟子令人信孟子又不如信程朱此事之不可解者 石行僻而堅尤相似 不得朱子疑此事為虚只是不曾實實體究不知他害 好處子產孔子所敬專要說他不是儒者信孔子不如

ふりて

完整工夫淺也 楊鐵崖詩不解用古事剪艺 可笑漢碑自有完好者 剝唐碑年近多完好令人喜學漢碑损剝處以為學漢 事處奸雄不早除久後便除不得 李太白歌行句句有本 八分勝唐人不待智者而知也然漢碑年遠多損 截無法比儗不倫句法多不

文主四軍全書 ~

圖腰痕之形極其神驗若求伏轅不免駕疑段之腳寫

鈍吟雜録

時王李盛學漢魏盛唐之詩只求之聲貌之間所謂圖 與王李正同而文不及王李是圖敖段之馬寫里門之 於一颗疫追其然乎况今日之虞山詩人搏播剽剥其弊 卿里門之嫗也遂謂里門之嫗勝於西施敦段之駟勝 學書頻學真跡不是不看石刻作文要作自家話不是 嫗者也宜為世人所笑錢遵王以為詩妖此君亦具眼 腰疫寫西施者也屢山詩人好言後代詩所謂疑段之 西施之貌極其美麗若須薦枕不如求里門之嫗萬歷

時所見與今日已迥然不同况古人之事遠者數千年 不學古人 余生僅六十年上自朝廷下至問里其問風習是非少

宋儒議論是非不平便是他心不正處 人作論多俗只坐此病 近者猶百年一以今日所見定其是非非愚則誣也宋 不近人情而云盡心知性吾不信也其罪在不仁不知

大いりらくこう マ

時勢而欲治國平天下吾不信也其罪在不智不仁不

狂吟雑録

智便是德不明 於孔子所云擇其善者而從之一句都不曾理會但事 凡人作文字下筆項有輕重論賢人君子雖欲糾正其 出三代已下雖極好處亦一概不肯學 孔子云三人行必有我師馬宋儒云三代已後無完人 者多不理會先君子教人作古文云但熟看春秋便知 謬誤詞宜宛轉若言小人好賊不妨直寫今之作古文 字輕下不得後曾與徐良夫言此則云不必且引蘇

揚子雲引天下之文字歸之六經有功於聖人之門變 子瞻為證不知此正是蘇文字不好處不惟子瞻唐人 巳有此病

古人學問可敬可信學者不可不知然大謬處亦宜仔 於蘇氏父子至近代王弇州李于鱗而掃地無餘矣 細如歐公以八分為隸字此不待趙明誠章惇而後知

其誤也令人從而不改不知何故近孫子長好以楊用

修言語駁正文字許夫人作熊子詩用金鏤楣者子長

次宁马車主書

鈍吟雅餅

敬其文字欺妄非痛駁不可 字不可信恃名欺人不顧萬世之笑用修人品不妨可 不知蓋為用修所誤用修好妄而健忘其著書幾於 以為誤云是金樓楣此事出吳越春秋初非解書子長 妄議紛紛楊用修之談古欺天下後世為無一人此公 已往之古人乎然有五人不可容李秃之談道此誅絕 之罪也孔子而在必加兩觀之誅矣程大昌之演繁處 余於前人未嘗敢輕誠老人年長數十歲便須致敬况

炎皇四軍全書 ~ 所謂詩也不如此則非詩其有韻之文耳禮有湯之盤 文理不識一字此乃狹邪小人之俗者名滿天下真不 心術欠正於此可見譚元春鍾惺之論詩俚而很不通 可解 曰文縁情之作則曰詩詩者思也情動於中形乎言言 不足故長言之長言之不足故眾歌之有美馬有刺馬 自中葉已後多以詩與文對言 南北朝人以有韻者為文無韻者為筆亦通謂之文唐 鈍吟維蘇 愚按有韻無韻皆可

無此等文字知古人自有阡陌不以為詩也 賦出於詩故曰古詩之流也漢書云屈原賦二十五篇 亦改之矣漢人碑銘亦云是詩其體相涉也然古人文 漢人墓碑多云誄詞末多有亂曰蔡卞刻曹娥碑改為 宇自有阡陌終是碑文非詩也唐人亦多言銘詩祖漢 銘孔子誄春秋左氏傳有卜筮繇詞皆有韻三百篇中 銘曰此公不學可笑今世傳昇平帖可考然陝西所刻

次主四東全書 耳 宋人作著題詩不如唐人詠物多寓意尚有比與之體 陸士衛云詩緣情而綺靡賊體物而瀏亮詩賦不同也 便是體物之祖 史記云作懷沙之賦縣亦賦也宋玉茍鄉皆有賦荀賦 楊狀元不知概以為歌行弇州云以為賦則醜此公誤 子安春思賦駱賓王蕩子從軍賦皆徐庾文體王司冠 梁末始盛為七言詩賦令諸集不傳類書所載可見王 賦領本詩也後人始分屈原有橘頌 ,致吟前每 1

古人七言歌行止有東飛伯勞歌河中之水歌魏文帝 則不習遂以為醜語云少所見多所怪豈不然與 寶然其體至今見行楊狀元王司惡輩不以為異至賦 歌行之權與也七言歌行唐人相襲雖少變於開元天 有熱歌行至宋齊多有雜言詩樂元帝作燕歌行一時 存庾信集有一篇可見北人盧思道有從軍行皆唐人 文士爭和鄭漁仲通志藝文志有燕歌行集令其書不 人言沈休文八部以為似賦不知詩賦體相涉

古人墳籍散亡略盡僅有存者多被後人改壞不可據 也晉人又有五言之賦幸此輩不見見則不勝其幾等

志所記不同焦公未知也 詩之誤不知此出東方朔外傳見太平御覽自與博物 凡古人文字中所用事與今所傳不同者古書有之今 人不見耳如張博望乘槎事古人通用焦弱侯以為杜

次全四軍全書 ~

東坡云絲蓋剛而犯上者耳如左氏之言皆後世流傳

無吟雜録

論不肯詳考熟思大略如此至程子之說則尤甚矣 之過若如所論則竟典洪範皆不足信耶宋人好立異 太史公云諸家言黄帝多不雅馴縉紳先生難言之其 於他書者皆非六藝所述恐太史公不必信也伯夷傳 本紀其書雖不傳然所言上古蠶叢已來奇事頗有存 子由皆不知觀子由古史直似未嘗全讀史記者可怪 不好奇明矣揚子雲不知何見譏以好奇如子雲作蜀 云學者載籍極博必取信於六藝此一言也鄭漁仲蘇

ノンドスピールノン

次官里多 趙氏廟祀之此千古義人太史公時計其祀或應未絕 秦火之後其文獻必猶有可徵者且云公孫杵白程嬰 然也趙亡去漢與未遠此國之大事趙氏所由存亡雖 知所言何事太史公當時豈左傳之外便無所樣乎 史有傳疑不可盡削如孟子殺子濯孺子事亦與左傳 或曰史記殺下官之難不取左氏豈非好奇乎余曰不 不同豈得便駁孟子 鈍吟雜録 漢時有公羊穀梁外傳令皆不

黄老而後六經便是合父子之論而一之揚子雲更不 所容也 時故重儒亦隨時而已然子長不為無心於儒學 後人不當洗垢索廠更加鍛鍊以求其過然孟堅云先 太史公書班固論之極當其所云抵牾疎漏註家已詳 於此輩事又必以左傳駁之甚矣太史公之不為後人 子由言太史公不學正以其專信六經不取異說耳至 研審過矣太史談在文景時故尚黃老太史遷在武帝

次定四車主書 處宋公未可輕議也歐陽公文甚高然用心不平作史 亦無溢惡古人不過也此文勝於唐六臣傳 歐陽公作馮道傳平敘而人品自具不激不矯無溢美 韓吏部之文古文也歐文忠公只是今文不如唐人四 如畫文亦有餘也歐陽永叔文太略所以不及史記 平生不喜新唐書列傳通日讀之其論讃大有不可及 六尚有古意在 左氏太文子長質而不俚然序論形勢指說人情分明 鈍吟雜録

蘇子瞻表忠觀碑真子長之文矣或云蘇文妙在不學 不及也 張文昌之詩皇甫持正之文坡公以為走僵而不能為 古人何耶坡公作補孟嘉登髙文便似晉文此公真才 如他坡公才大自可上掩古人但前人有工夫坡公所 兼千古公四六最妙 則不便 公者也然坡公視此二人其工夫精細處坡公或不

災定四車全書 深不知此語正謂樊宗師也樊宗師之文殆不可句矣 韓吏部言文從事順淺者以為口實便云古文不尚艱 為萬而不可諫既不識字所行便多乖謬隱盡如此輩 勞心嗚呼此書乃詩書之義訓不讀此如何讀詩書此 君子小人無別矣 之興遂不可解矣其人徒衆皆蔥然如市中小人自以 余書讀爾雅有儒者相規曰此等學問支離瑣碎不足 小學也夫子曰多識於鳥獸草木之名非此書則詩人 紀吟雅録

難通也然講而讀之文未嘗不從事未嘗不順所以為 詩今唐詩紀事有此文以石本校之譌字且數十宜其 樊公著述之富宋時已不全至今日則僅有如越王樓 詩文雅頌多艱深國風則通易風或出於里俗雅頌大 古語不如歐蘇吾末如之何也已矣 工令之自附於歐蘇者淺薄通率號為古文講之其文 不從事不順文既不文古亦不古更誠韓文以為尚有 文多朝廷作者為之雖有如寺人孟子之類然得列於

集以遺後人崇積間有一妄人上疏請更定禮記我不 孔子學之周公仲尼之道未墜於地散在諸子二戴撰 以平易者為美也孔叢子中已有明說 特古今言語不同蓋古之文人鍛鍊文字其體如此不 雅亦必是當時能文者尚書是朝廷文字語多難解非 大三日草三号 文武之道未墜於地賢者識其大者不賢者識其小者 所謂多見其不知量也 知此人欲使何人定之士大夫不察或情其言之不行 **鉄吟雜録**

我讀論語得為文之法曰草創之討論之修飾之潤色 蜀非地也考蜀志孔明在先主時未嘗為將至南征始 之討論之事至宋人而廢矣或疑其說應之曰子以蘇 子由何如曰善矣子由論劉先主曰用孔明非将也據 荀子言殺詩書焚書之漸也歷該諸儒坑儒之漸也荀 過 自將耳若不據蜀便無地可以措足此語乃不討論之 討論之功也如韓退之絕無此等病界 也宋文多如此而讀者不以為怪故知當時論文無

不詳也 次定马车全十 乎荀子言性惡則其所謂禮者政刑之末耳非禮也古 於人心者也先王因人心而制禮豈以其違性者強之 令人看史記只看得太史公文集不曾看史 時有可採耳 子好言禮實不知禮禮者非從天降也非從地出也生 論語醇乎醇者也孟子大醇而小疵揚子醇疵半首子 所以制惡人者也李斯之學全出於前鄉坡公論之 無吟雜録 ナユ

書令按衛宏之言妄也漢書藝文志尚書經二十九卷 生年九十餘老不能行詔朝錯往受之顏師古注引衞 宏定古文尚書序云伏生老不能正言言不可晚也使 漢書儒林傳伏生濟南人孝文時求能治尚書者時伏 伏生所傳者又云秦蟠書禁學伏生獨壁藏之漢與求 其女傳言教錯齊人語與顧川多異錯所不知者凡十 大小夏侯二家歐陽經二十二卷師古曰此二十九卷 二三略以其意屬讀而已宋儒多感於衛說致疑於尚 くうり しっん

生夏侯都尉從濟南張生受尚書以傳族子始昌始昌 九篇是伏生自有本不假口傳明矣又考儒林傳伏生 得二十九篇因以教齊魯之間云壁藏而求之得二十 傳勝則是歐陽夏侯二家漢人所列於學官者自是伏 教濟南張生及歐陽生歐陽生字伯和千乘人也事伏

次下可更二方

鈍吟雑録

傳書則伏生已九十餘矣安得有幼子乎且其女能傅

徴伏生有孫則應有子何至令女傳言若其子幼不能

生親傳非朝錯所受之本明矣又伏生有孫以治尚書

傳常用之字讀三代以前之書不通則云有誤感也自 古今或不同大略亦可知何至言語不相通那衞宏不 屬讀之邪又余當身至顏川濟南其語音絕不相遠雖 おりたんつ 怪也 足責顏師古注漢書最詳謹亦贅列此語疑誤後人可 言亦應通文字何至朝錯不能得者且十二三乃以意 孔子刪詩書弟子相傳書所釋義訓伏生必有所本不 不信爾雅正以書難通也不信則詩俱不通矣但以相

劉向以中古文校歐陽大小夏侯三家經文酒話脫簡 足疑也孔安國亦因伏生耳

十二字者脫亦二十二字是伏生所藏之書與孔壁之 書所引尚書今文有者皆相同古文有者或有異蓋伏 書其竹簡字數相應也古文非孔安國所造明矣又諸 召誥脫簡二率簡二十五字者脫亦二十五字簡二

生相傳有所本孔書出壁中安國隸古於時蝌蚪不行

已久未免有誤若是偽造直以古書所引竄入必無誤

火之四事全書 人

乳吟雜録

全欠工夫 則放言無忌矣若釋氏之言不妄此輩應墮拔舌也獄 本不肯有關也宋人雖多疑然亦未敢直言其偽近代 亦有難易之不同恐安國當只取易通者傳之其不可 若有所不知則應都不同亦不當小異其文章與今文 董宗伯云王右軍如龍李北海如象不如云王右軍如 解者益闕之也所以只得其半若是偽造不妨全作 姜堯章之論書嚴滄浪之論詩似髙而實麗白石於書 定武蘭亭全是歐法姜白石都不解

次之四年在雪 日 中第一要事二字本出大序大序出於毛詩齊魯韓皆 鳳李北海如俊鷹 興字亦鄙而拙 無此序朱子既不信序文却不應取此二字既用二字 甚如朱說則興者乃是說了又說重複可厭又如此解 又不應不用毛解毛止有與也本是意與之與非與起 宋儒多不解詩朱紫陽詩人也然所得頗淺比與乃詩 之興又比興是詩中作用詩人不以比與分章朱子謬 宋人不解小學如關関噰噰和也 我吟雜録

非王作也近代多偽書初學誤信之文字引用為識者 出於朱子之後檢宋史經籍志無此書可知文字鄙陋 立義陋甚也又檢俗傳王昌齡詩話亦此解此偽書也 書宋人以為偽者却自可用不必以宋儒之說為疑也 讀書當求古本新本都不足據又古書字多不同不可 子貢詩說石經大學之類日增月益不可枚舉又有古 所笑如天禄閣外史湘煙録於陵子晉之乗楚之檮杌

ようりをしたい

關二字只取其聲不取其義朱子云雌雄相應以關字

	 -	-	 	-	
次定四重全					以此證彼
外。雜絲					
主					

7		 				 	_
1							90
	金				,		•
-	业						١
	学						2
ı	雅						
•	録						-
	鈍吟雜録卷四						L
	四						ŗ
}							
1		ļ					Œ:
					İ		
		1		ļ			
			ĺ				
							-

以禪喻詩沧浪自謂親切透徹者自余論之但見其漫 嘉靖之末王李名盛詳其詩法盡本於嚴滄浪至今未 欽定四庫全書 港顛倒耳具疏之如左 有知其謬者令備論之如左 てこう ラー・ニー 鈍吟雜録卷五 嚴氏糾謬 七冬年录 常熟馮班撰

金月日人八百百 義也大歷已還之詩則小乗禪也已落第二義矣晚唐 斜曰垂有大小是也聲聞辟支則是小垂今云大厯 大歷已還之詩曹洞下也 之詩則聲聞碎支果也學漢魏盛唐之詩臨濟下也學 果皆非正也論詩如論禪漢魏晉與盛唐之詩則第 須從最上乗具正法眼悟第一義若小乗禪聲開僻支 滄浪曰禪家者流乘有大小宗有南北道有邪正學者)還是小乗晚唐是聲聞辟支則小乗之下別有權

出南宗豈滄浪誤以二宗為南北乎所未聞二也 曹洞按臨濟元禪師曹山寂禪師洞山价禪師三人並 浪雖云宗有南北詳其下文都不指喻何事却云臨濟 為秀禪師其徒自立為六祖七祖善寂以後無聞馬滄 垂所未開一也 之詩小乗禪也又云學大歷已還之詩曹洞下也則以 濟曹洞機用不同俱是最上一乗今滄浪云大歷已還 ススカルという 忍禪師下分二枝南為能禪師是為六祖下分五宗北 Ę. 初祖達磨自西域來震旦傳至五祖 七吟雜录

之極 物先了然於胸中然後此物可得而喻滄浪之言禪不 曹洞為小乘矣所未聞三也 金りひ 惟未經察學南北宗派大小三乗此最是易知者尚倒 滄浪云不落言筌不涉理路 為最大迷悟相覺則假言以為筌那正相背斯循理 頓門云活句死句之類剽竊禪語皆失其宗旨可笑 如此引以為喻自謂親切不已妄乎至云單刀直入 人ノニュ 按此二言似是而非感 凡喻者以彼喻此也彼

英宝四車至書 ~ 情淺見所測吾不敢言也至於詩者言也言之不足故 此在教家已自如此若教外别傳則絕塵而奔誠非凡 而得路迷者既覺則向來之言還歸無言邪者既返則 文外與尋常文筆言理者不同安得不涉理路乎滄浪 長言之長言之不足故咏歌之但其言微不與常言同 向來之路未嘗逐路是以經教紛紜實無一法可說也 怨誹者不亂好色者不淫故曰思無邪但其理玄或在 耳安得有不落言筌者乎詩者諷刺之言也憑理而發 鈍吟雜録

論詩止是浮光略影如有所見其實脚跟未曾點地故 喻殊不如劉夢得云興在象外一語妙絕又孟子言說 云盛唐之詩如空中之色水中之月鏡中之泉種種比 於諸家體製渾然不知今列之於後 言詩便知此公未得向上關族子 自確然灼然也嗚呼可以言此者寡矣滄浪只是與趣 詩者不以文害詞不以詞害志以意逆志是為得之更 生學問最得意處是分諸體製觀其詩體 一篇

則為贅也子建公幹文章之聖仲宣休璉多有名作仲 建安體云漢末年號魏曹子建父子及鄰中七子詩 大謬然愦愦無所發明多有疎贅 代文章惟須舉其宗匠為後人慕效者足矣泛及

滄浪云以時而論則有建安體云云

按此

一段雖無

宣七哀從軍休建百一皆後人之師也若元瑜孔璋書

記翩翩不以詞賦為稱子建有孔璋不問詞賦之言建

沙定四事全事 了

鈍吟雜録

安詩體似不在此人不當兼言七子也又五言雖始於

皆有盛名於一時始創聲病之論以為前人未知一時 漢武之代盛於建安故古來論者止言建安風格至前 間輕重悉異其文二句一 有黄初體也 初之年諸子凋謝不存止有子建兄弟不必更贅言又 不可增減自永明至唐初皆齊梁體也至沈佺期宋之 永明體齊梁體 體驟變文字皆避八病一簡之內音韻不同二韻之 永明之代王元長沈休文謝朓三公 睽四句一絕聲韻相避文字

聲病梁武不知平上去入其詩仍是太康元嘉舊體若 次日写事主書 ~ 直言齊梁諸公則混然矣齊代短祚王元長謝玄暉皆 之格矣令敘永明體但云齊諸公之詩不云自齊至唐 問變為新體聲律益嚴謂之律詩陳子昂學阮公為古 一時名人並入梁朝故聲病之格通言齊梁若以詩體 **殁於當代不終天年沈休文何仲言吳叔庠劉孝綽皆** 初不云沈謝知其胸中愦愦也齊時如江文通詩不用 詩後代文人始為古體詩唐詩有古律二體始變齊梁 鈍吟雅録

温飛柳皆有齊梁格詩但律詩已盛齊梁體遂微後人 金ラン 詩格未行至元和長慶始變此亦文字一 元和體 非滄浪所知 言則直至唐初皆齊梁體也白太傅尚有格詩李義山 知或以為古詩若明辨詩體當云齊梁體創於沈謝 以和韻長篇為元和體若以時代言則韓孟劉柳菲 北相仍以至唐景雲龍紀始變為律體如此方明比 東坡云詩至杜子美一變按大歷之時李杜 大關也然當

而已 而遺 次定日東主書 ~ 何以不言阮嗣宗體 為宗師參學之功少也 亦偏枯大略滄浪胸中不了了每言諸公不指名何 左司李長吉盧玉川皆詩人之赫赫者也云元白諸公 安以後詩莫美於阮公詠懷陳子昂因之以創古體 而論至云云 羲娥知此人胸中不通 按此 飲吟雜妹 段漏略疎淺之甚標星宿 竅不識一字東牽西扯 3

老莊之讚頌自顏謝鮑始革其製元嘉之詩千古文章 文章之變潘張左陸以後清言既盛於時詩人所作皆 缺此四君 潘張左陸文章之祖前言太康體似矣以人言則何以 對偶已繁用事之密始於顏延之後代對偶之祖也三 五言則未有後代詩人言山水始於謝康樂也陸士衛 百篇言飲酒雖云不醉無歸然以成禮合數而已彼醉 大變請具論之漢人作賦頗有模山範水之文

也國風好色而不淫近代朱子始以鄭衛為男姓詞美 次三四年一方 言沈謝則齊梁聲病之體不知所始矣不言鮑明遠則 樂微矣令謝康樂之後不言顏延之則梁人《之又不 宮體滔滔作俑於此永明天監之際鮑體獨行延之康 作未極淫放玉臺新詠所載可見至於休鮑文體傾側 不臧則有沈湎之刺詩人言飲酒不以為諱陶公始之 宮體紅紫之文不知所法矣雖言徐康是忘祖也於時 "以喻君子五言既與義同詩騷雖男女散娛幽怨之 鈍吟雜録

詩人灼然自名一體者有吳叔庠選塞之文所祖也又 體不可缺齊梁已來南北文章頗為不同北多骨氣而 美頗學陰何又云李侯有佳句往往似陰鏗則子堅之 如柳吳興劉孝綽何仲言皆唐人所法何以都不及子 字兼學南北以人言之道衛亦不可缺 氣格清拔與楊處道酬唱之作李義山極道之唐初文 文不及南鄰下才人盧思道薛道衛皆有盛譽自隋場 非傾倒之論徐庾之文少變於時文多正雅薛道衡

くらりにして言

缺也 州李商隱以下不言溫飛鄉元白之下不言劉夢得皆 宋人頗學唐人滄浪敘唐人差整彼有所受之也然沈 又有所謂選體云云 宋之前不云李嬌蘇味道王右丞以後不言錢郎劉隨 云玉臺體滄浪注云玉臺徐陵所集漢魏六朝之詩皆 此一段紋論駁雜譌亂不可盡

沙 之四車全書

鈍吟雜録

有之或者但謂纖艷者為玉臺體其實不然

麗之文亦皆附崑體李義山在唐與溫飛柳段少鄉號 此集者尚多至歐公始變江西已後絕矣及元人為綺 之者數人其體法温李一時篡效號為西崑體其不在 而名之 云西崑體注云即李義山體然兼溫飛即及楊劉諸公 有謬矣觀此則於此書殆是未讀也 十卷則專取艷詩明矣又其文止於梁朝令云六朝皆 文在東宫命徐孝穆撰玉臺集其序云撰録點歌凡為 按西崑酬唱集是楊劉錢三君倡和之作和

とうか しん

是三句不是一句滄浪讀誤本漢書又健忘所言童謠 韻二句之歌也又云侯非侯王非王千乗萬騎上北邙 三十六體三人皆行第十六也於時無西崑之名按此 1. 10 mil 1. 10 1 失却二句可笑 云有一句之歌注云漢書枹鼓不鳴董少年又漢童謠 則滄浪未見西崑集序也 千乗萬騎上北邙 云有琴操注云古有水仙操辛德源作别鶴操髙陵牧 按漢書董少平不作少年鳴平是 鈍吟雅録

載 子作 則滄浪不知琴操也琴操今此書雖亡然樂府詩集所 金子四人人 不必拘不知律詩律字如何解蓋聲病之學至宋而譌 病為體律詩則益嚴矣滄浪既云有近體有律詩又云 云有八病注云作詩正不必拘此敵法不足據也 病出於沈隱侯古人亦有非之者然齊梁體正以聲 **阮逸注文中子云八病未詳也如今金銭詩格及周** 可見 按琴操豈止二篇水仙操亦不始卒德源觀此 卷五 按

以對偶為律矣 按三百篇已有此體 密所言皆以意妄測誤也已經考證此不具令人則但 採蓮蓮葉何田田魚戲蓮葉間田蓮是韻間字古韻通 云有絕句折腰者有八句折腰者 云有後章字接前章者注云曹子建贈白馬王彪詩 云有古詩全不押韻者古採蓮曲是也 何言全無韻也 按律詩有點不知 按云江南可

KILDIE ALT

鈍吟雜读

無來歷者 詩法 綴體沈存中夢溪筆談有偏格正格之論是其說也今 所起河岳英靈集序云雖不點級是也又韓致光有聯 云用事不必拘來歷 云参活句勿參死句 **云折腰而不言何謂折腰亦滿略也折腰者如絕句平** 仄或仄平仄平不用粘者是也 按此語全不可解安有用事 按禪家言死句活句與詩法 而


金定也人人

次 主四考 上書 擊石火閃電光有時拖泥帶水岩刻舟求劍死在句下 不得轉身之路便是死句詩人所謂死活句全不同不 迫出之詞意象生動者也禪須察悟若髙臺多悲風出 不相涉也禪家當機然活有時提倡有時破除有時如 不知參禪也 死句也隱者興在象外言盡而意不盡者也秀者章中 可相喻詩有活句隱秀之詞也直敘事理或有詞無意 君懷袖然之亦何益凡滄浪引禪家語多如此此公 紅吟雜録 =

辨者此矛盾之說也 諸家體製滄浪言古人不同非止一處由此論之古之 之不能辨則真古人矣 滄浪之論惟此一節最為誤 云詩之是非不必爭試以己詩置之古人集中識者觀 云古詩十九首行行重行行玉臺作兩首自越鳥巢南 、滄浪云於古今體製若辨着素又云作詩正預辨盡 ラモ 以下别為一首當以選為正 人既以不同可辨者為詩令人作詩乃欲為其不可 按玉臺集北宋本正

不辨耶 篇之中增損其字句蓋當時歌謡出於一時之作樂工 當又別是一首郭茂倩不能辨也 云仙人 次記四九八三 取以為曲增損以協律故陳王陸機之詩時謂之垂 合之也樂府或一篇詩止截半首或合二篇為 未命樂工也具在諸史樂志滄浪全不省乃云郭茂倩 首永嘉陳玉甫本誤耳 入騎白鹿之篇子疑若若山上事已下其義不同 鈍吟雕録 按此本二詩樂工 一或 調

知屈子不得志於懷襄而死意哀野必妙不知九歌無 傅自傷而死遂以為有懷長沙不知懷沙非長沙也彼 此言楚詞殊未熟亦恐是未曾看彼聞買生為長沙王 招隱操又云九章不如九歌九歌哀郢尤妙 九歌是祀神之詞何得有哀郢滄浪云須熟楚詞今觀 有懷沙賈太傅無懷沙也招隱士亦非操哀郢是九章 **哀郢也望影亂言世人為所欺何哉** 云楚詞惟屈宋諸篇當讀之外惟賈誼懷長沙淮南王



鈍吟雜録卷五			子をしている
五			卷五

欽定四庫全書子部

鈍吟雜録卷六至

詳校官中書臣具 瓖

員外即臣牛稔文覆勘 總校官原吉士臣何思釣

校對官編修臣汪 腾绿舉人臣鍾廷瑛 鏞

次足の事主書 鈍吟雜妹 字亦與令人不同後 **漢碑上字正同不可** 常熟馮班撰

或云右軍行書聖教序是集成若尋常作書領大小相 字作小書不得體也祝希哲常痛言之 古人作小正書與碑板語命書不同令人用碑板上大 字暴字黃庭經耶字遗教經易字今皆不行晉時書體 唐宋人碑上行書亦自勻整 宋元體曹娥碑猶古陝西傳墓盡去之矣 如此六朝唐碑存者多與令人書不同令人所用只是 參此說亦有理然右軍官奴帖小字亦無大小相參者

欠三寸一二寸 周伯琦鄭漁仲趙撝謙三人皆不解篆鄭尤妄 或云武字從七聲尤不通 背私為公自環為私止戈為武會意字也古說不可改 印章上字或可用隷書不紙用小篆也世人多以為譌 視殆不似正書徐季海似學此也 薦季直表不必是真跡亦恐是唐人臨本使轉縱橫熟 李陽冰篆不依說文 此吟雜飲

漢分書不然方唐分書不統區王司冠誤論只看孝經 唐人 金牙口人 蝌蚪大篆今絕矣古鐘鼎上字雜用不得梁千秋刻印 邯鄲淳書唐人已無今却有二印同鈕小篆工絕非漢 與勸進碑耳 章名重一 不能作也 人隷書今不知者亦以為篆 人說文與今宋說文不同 一時用字情情古篆雜不得隸書令人不知也

虞世南腐堂碑全是王法最可師 肯百日已後便解自作書矣 顧云美云唐人分書極學漢人此論最佳可破惑者 余教童子作書每日只學十字點畫體勢須使毫髮軍 碑上字作剥蝕狀可笑也 乃云碑刻不足據不知學何物 八分書多剥蝕唐人多完好今之昧於分書者多學

分書只有漢碑可學更無古人真迹近日學分書者

災亡四重全書 ~

鈍吟雜録

時筆勢自生大小相參上下左右起止映帶雖狂如旭 學草書須逐字寫過令使轉虚實一 姜白石論書略有梗機耳其所得絕粗趙松雪重之為 工夫細也此是要訣 素成臻神妙矣古人醉時作狂草細看無 用筆間架規模只看石刻亦可 頻書勝柳書柳書法却甚備便初學 貧人不能學書家無古蹟也然真跡只須數行便可悟 盡理至與到之 失筆平

古人 點殊失勢也 矣 而却回也運脫太疾起處有頓筆之迹令人於起處作 用筆妙處白石皆言不必然又云側筆出鋒此大謬出 次主四車人一百 鋒者末銳不收褚云透過紙背者也側則露鋒在一面 左頓脫實畫至右住處却又趨轉正如陣雲之遇風往 可解如錐畫沙如印印泥如古釵脚如拆壁痕古人 、作横劃如千里陣 雲黃山谷筆從畫中起迴筆至 鈍吟雅録

字小儀字大却相稱殊不見有異奇迹也 張長史云小字展令大盡筆勢為之也大字數令小過 晉人書盡理唐人盡法宋人多用新意自以為過唐人 東坡談書皆寫論過於黄米米老喜作快口語不知執 **畫有南北書亦有南北** 左去吻右去肩歐陽蘭臺不用此法 鋒藏勢使間架有餘也今廣平府有顧魯公儀門字門 之多為所誤山谷止自言其所得耳

5し ん

實不及也 婁子柔先生云米元章好割截古跡有書質俗氣名言

坡書有病筆唐人無此

同猶小篆與大篆不同也略言一二可知矣如維字石 作書忌俗字人皆知之不知亦忌古字正書與小篆不

鼓文作佳大篆也嶧山碑作維小篆也今作小篆自然 不用住字如華字本花葉字令為律詩乃有重押一

於定习車主書 外外報鄉

然也借作然諾字取聲不取義也令去火作狀是何說 處豈可用華字耶自應作花也 肤自是犬肉字無然諸義也貫穿本穿字讀作去聲串 禄字書為得 經史古書多有古字自應按本寫之岩自作書正用干 四點從大篆也令人作二點從小篆古人殊不然惟王 本是貫字詩云串夷是也今俗誤讀作穿鳥正書皆作 **令人譌字有不可行者切忌之如然字本火然泉違之**

炎 足四車主 東字誤也見沈括筆談 漢書東方朔傳來來先生分書聚字作重來令人改作 佳佳麗字也佳鳥短尾也近時人作佳麗字盡誤 無者周伯琦作六書正譌大憒憒 唐人碑板刻手亦有工拙然勝於宋人 有篆書有而隸書無者隸有而篆無者小篆有而大篆 不習二王下筆便錯此名言也 右軍遺教經有一字作鳥與鳥雁字相亂又難用也字 飲吟雜飲

他人可知矣 書至今人直以為怪矣 子字分書橫畫不飛倚人直筆不向左挑起人字加三 甚輕於持論其書不足據也 吾衍子行作學古編多談人語此公無學淺而自信太 **顏陷公書磊落鬼我自是臺閣中物米元章不喜顏正** 多讀書名士也得其萬卷樓所藏書唯黃處皆不足據 ,讀書不多好以意改古書如邑人五川楊儀號為 次定四車全書 T 歐陽公不信遺教經東坡殊不以為然 隷字源 撒是古升字 張遷碑易作易誤也古碑如此亦不可用亦不可不知 吾子行不解大篆 漢隷分韻以漢人石刻校之多不合不足據也不如漢 **黃長唇疑智果書不真此不習南朝書法也** 延陵十字碑李陽冰所祖不必仲尼要非後人所能作 無吟雜飲

體亦一長也不可以其人而忽之字多者板拙不堪觀 宋人蔡君謨書最佳令人不重只緣不學古耳 琴樣花葉之類令人皆不行點印煩有用者亦隨時可 宋人間用古篆作印元人尤多變態其式有用古鐘鼎 平生喜教人刻印章用漢法者施於名字藏書印用元 耳唐人名印有學漢法者皆圓潤工緻宋人多勁古元 (齊堂樓閣唐人有法詩句作印起於近代月文三橋 兩字大印蘇爾宣所作多用古人碑額上字為得

博雅者商之 人或失之野今皆以為漢印失之矣余所見如此更與 **令人不解宋元學古印皆以為漢印顧氏印數中往往**

有之 字古法盡矣變古法須有勝古人處都不知古人却言 書法無他秘只有用筆與結字耳用筆近日尚有傳結

不取古法直是不成書耳

教皇母華主 千字文自是深人文字法帖中有漢章帝書誤也歐公

題吟解録

米元章論古人真偽好惡自是一家議論抑揚過當殊 名重千古而不知此何即 逼右軍然氣骨自不及宋人不堪並觀也坡書真有怒 體勢學李北海風捲雲舒逼之若將飛動趙殊精工直 毛斧季以東坡子昂二真蹟見示坡書點畫學顏魯公 余見歐陽信本行書真蹟及皇甫君碑始悟定武願亭 全是歐法姜白石不知也 不足據初學切忌讀此等書

生りいんこう

徐浩 如耳 稅扶石渴職奔泉之態徐季海世有真跡不知視此何 作書須自家主張然不是不學古人須看真迹然不是 坡公少年書維摩經小楷直逼季海見老泉一書亦學

不學碑刻 海蘇科川却云不然我信山谷

次と写事を書 八用法謹嚴晉人用法瀟灑然未有無法者意即

纸吟雜録

邑 領而生 バングレ 本領者將軍也心意者副將也本領極要緊心意附本 字以別之至有本字為借義所專本字却用別體者 矣使右軍不能作此字我亦不重右軍 也曰誰見右軍執筆作此字余曰能作此字即右軍 人文字少多假借文義兩通處則有疑後人多作別 一嚴道普名澤家藏有右軍二謝帖有王能民者妄 んつご 灰六

似今八分遂呼漢人分書為隷既知其不同且疑薛尚 分書也蓋隷書本如此後漸變為今正書耳歐公以此 可用 听字俗以為聽体字俗以為體串字俗以為穿舞此不 欠いする へっす 功摹之失體設也令人作正書是鍾王法然鍾王古字 秦權上字秦之隸書乃篆之捷也與今正書不同然非 视字有去聲後人別作咒詛字王弇州不知作文字不 可不講字學 我吟解等

王也 時正書如此至唐中葉已後始變如今法後人統學鍾 辭王臨川不信春秋此亦可信邪大略讀書不應先看 往不近理不可苟信或疑此說應之曰歐公不信易繫 讀宋人書其稱述前人者當審思之至於譏刺古人往 亦多與今不同世傳六朝唐初碑上字分隸相雜疑當 宋人議論 (部變今文為古文歐陽公變古文為今文

金グロイノニー

不相入 宋人云太史公敢亂道却好班孟堅不敢亂道却不好 乎不知孟堅如何云不好如唐子西真亂道也 遷史只是游俠貨殖二篇為孟堅所譏耳謂之亂道可 史選極重仲尼史談乃重老子父子異論 先君云讀書須從上讀下先看後人書於古人好處便

虞舜完廪浚井二妃教以龍工鳥工見於書傳者非

欠了可見しる

飲吟雜鄉

處宋儒以為無此事今列女傳刻本已刋去之宋儒所

踐進西施夫差幸之市人欲見者投金錢一文今史無 吳中史記載其無道此何足疑令孟子註疏引史記句 芟也此猶可說也至吳夫差亡國之君奢侈之跡遍於 師魯墓誌不言楊翰之失達識也 此文蓋亦宋儒所去也宋人不通理大略如此古書所 有古詩不妨有律詩有古文不妨有四六歐陽公作尹 文章無定例只在台宜王荆公論仲尼不應作世家只 存無幾如史記者後人豈知其不全乎

金足に及べる

春秋 是不知變例以死板法為例文章便無意只是不曽與 人讀史記只是讀太史公文集耳不曾讀史

粘綴字韓偓香奩云聨級體蓋唐人之法疑始沈宋也 朱子言禮稱鄭康成後儒不從也却用陳澔注禮記程 如此唐人絕句不粘者為折腰體河岳英靈集序中有 沈存中筆談論律詩偏正格甚詳但不知所本蓋相傳

次をりきへらす! 子極信詩小序後儒不從也從朱子二程朱子格言微 野吟雜飲

史記 史記叙事如水之傅器方圖深淺皆自然相應宋人論 做文字讀者不知往往信差了誤人 别之以為文字之貫至酈食其傳題一 近日顧朗仲諱雲鴻名儒也讀史記每題一字用重圈 文有照映波瀾起伏等語若著一字於胸中便看不得 没却可慨儒家語錄多有意是而文不妥者只為他不 可敬者多矣後人所引用都是他不穩當處好處都 懦字便貫不去

77.		
· · · · · · · · · · · · · · · · · · ·	美庸也 等議論	真西山文
व	倒了六經震	章正宗谢
死 外 雜 辞	祭子言不	叠山文章:
	義庸也 一段被他倒了六經架子言不本於聖人妄也不知理近代王李之文歸震川痛排之王李妄庸處人都不解等議論	真西山文章正宗謝叠山文章軌範唐人論文絕無此
1	也不知理解	文絶無此

鈍吟雜録卷六				ノングレスノファ
卷六				į
	,			
				卷六
·. 1				
				ı
i				

· 英文四車主書 是少年時書點畫皆有法不知者學之正如布算相似 顏書要畫中有筋其用筆與徐季海父子相同多實塔 元章以為惡俗妄也欺人之談也 魯公書如正人君子冠佩而立望之儼然即之也温米 欽定四庫全書 鈍吟雜録卷七 誠子帖附社約 鈍吟雜稣 常熟馮班撰

宋人作書多取新意然意須從本領中來米老少時如 耳 書至成時神奇變化出沒不窮若功夫淺得少為足便 則心意自能變化 集字晚年行法亦不離楊少師顔魯公也 功夫不多也大略初學時多可觀後來不學便不成書 退落如嚴天池二三十歲時好後來便可厭只為從前 本領精熟

須要看他墨酣意足處與朱巨川語參看最得

古來講之者多矣趙子昂專言此汝可尋思 書便知血脈處極細而有筆意也二曰佈置左右向背 字有二法一曰用筆汝用筆疎硬而骨枯非法也看褚 書人千文少不得此是右軍舊法得此便有根本如二 無法但直寫而無意不成字也可勉之 王法帖只是影子惟架子尚在可觀耳書有二要一 汝有玄秘塔否我要緊用不然汝智永千文在否凡學 上下承蓋半闊半細半萬半低分間架在佈白處汝豪 佈置用筆千

次主马事全事

延安辞報

教人作書吾便於柳法今日殊不快意無柳帖也 王大草書用義之法如狂草學旭不如學素此吾法也 功也若死學柳書其病亦正同耳悟得柳公學古處二 用筆如錐畫沙細而有姿媚汝短處正在此不可不用 是頭路真行用羲之法以小王發其筆性草書全用小 明朝人書一字看不得看了誤人事行書從二王起便 用筆非真跡不可二曰結字只消看碑要知結字之妙 二書只學趙自餘一步 不窥所以全不合古法也然

趙文敏為人少骨力故字無雄渾之氣喜避難汝須參 之毫釐謬以千里也 學書當有晉人法然真跡難得看石刻極不易所謂差 渴躁奔泉之勢老極所以熟而不俗張書古甚拙處人 以張從申徐季海方可季海筋在骨中晚年有一種如 王歐虞褚薛打做 不知其妙也 法書多失體佈置勻直少勢鐘公云點不變謂之佈 顏行如蒙如籀蘇米皆學之汝宜留心 地方好也至獨至獨 光合作法

住字左倚人向右右四横亦要俯仰有情令俱如算子 **基畫不變謂之佈算最是大忌如真字中三筆須不同** 如此下筆苦粗而板寫了便要塗去又無人商量悶極 處甚道翻多失之與永師千文參看方有得只是見來 軍體今日刻本黃庭都不是但惜不見原本筆畫俯仰 日來學作虞法覺其和緩寬裕如見大人君子全得右 大似無講貫也今後千萬不可草草獨屬 强作數行汝試評之不是處頻說

金母四年十

本领千古不易用筆 米顛作顏行兼用楊景度有散仙入聖之致坡公須帶 たれず、くいす 章云但取聖教序學之 行書王右軍正有蘭厚及官奴帖獻之辭中令表米元 用意險而穩奇而不怪意生法中此心法要悟 一徐 理法具在知此方可看帖 《循理而法生唐人用法而意出宋人用意而古人 學鍾結字學王 氨吟雅稣)更學右軍諸札使大小相雜便

金少巴人二章 成書此言甚有會然蘭專官奴字無大小正如唐人 論也我嘗謂蘇黃論詩米元章論書不為無見但抑揚 多信米所謂癡人前不可說夢米黃俱好為快語非寫 泉怒犯扶石東坡云細筋入骨無人知此言極妙米海 在者也然今所存頗似大令徐季海有筋骨如渦驟奔 上字耳唇人多兼二王張從申所云右軍風規下筆斯 太過使人不樂聞耳趙子昂用筆絕勁然避難從易變 岳以為過老誠之偏見也米黃論書殊不及坡然令人

VIADONI LIVE 為師甫習執筆便羞言模饭古人晉唐舊法於令掃地 時談為獨絕也自近代李楨伯創奴書之論後生恥以 趙松雪書出入古人無所不學貫穿斟酌自成一家當 知董似未成字在文下云云似下 宗伯全不講結構用筆亦過弱但藏鋒為佳學者或不 處耳枝山多學其好處真可愛玩但時有失筆別字董 古為今用筆既不古時用章草法便批當其好處古今 不易得也近文太史學趙去之如陽千里正得他不好 屯吟雜录

如哉 但其立論欲使字形流美又功夫過於天資於古人蕭 矣松雪正是子孫之守家法者耳武之以奴不已過乎 樂天見李義山云他生願與此人作兒故義山名子為 甚好意也然意中頗有所欲更定處不可漫留以誤後 近日讀書多有所見與人不同前有草葉為實伯取去 廉斷處微為不足耳如楨伯書用盡心力視古人何

金ケロ人ノニュ

てもりことも 先看毛詩離縣則六義風刺晓得根本來歷朱子註看 易勿廢吾業也汝詩全不是只路頭已正耳令詳告汝 學為古文詞不得有近代俗語者於胸中此最損文格 言使人發惡 囑此我未後之語汝宜聽之遵之我有微名汝襲之似 吾年七十因氣成病煩有惡夢想不久矣特力疾作遺 好唐子畏不知唐詩自學羅江東不學白也小兒輩妄 白老今許貞服自云學醉吟乃輕薄温李斯何說耶又 气吟雜録

字耳五言始於漢盛於魏曹植千古之師也勿云不及 之朱子詩註全不是經只是 陶酒鮑色謝山水而對偶用事顏延之為祖此後世詩 蘇李蘇李作用少也詩人說色說酒說山水皆在晉末 不得淺薄易入人一入此門路便不會做詩耳戒之戒 人皆在其中惟精於學古所以能變也此曹王以後 人之祖也子美中與使人見詩騷之義一變前人而前 耳汝學詩不必慕髙但得體格成就理不背於詩縣 一部山歌曲子俗人拙文

金好巴尼人

貝字有字横處全無俯仰如一張梯此失也小處用功 便古勁可愛見汝行書如挽秋則意不喜試以我言用 學前人書從後人入手便得他門戶學後人書從前人 言之成文便足名家近代已來能如此者不過一二十 落下便有拏把汝學趙松雪岩從徐季海李北海入手 人不為不高也汝書無作用勉之而已 也汝作多寶塔體多用死筆所以不好要看他活處如 功何如汝學顧書大署書乃有似東坡處此從上學下 毛今维法

便不死 金好巴尼生 詩至貞元長慶古今一大變李杜始重元白學杜者也 本領者將軍也心意者副將也所謂本領只是規模古 言律多名句亦李法也隣見 漢全法杜文字血脈却與齊梁人相接温全學太白五 古詩與一 人然須有取舍不得巧拙兼効雖欲博涉諸家然須得 元相時有學太白處韓門諸君兼學李杜韋左司自是 時文體迥異大略六朝舊格至此盡矣李玉 表

誓後寫黃庭夫子廟堂碑全似黃庭履吉不知也過庭 學古人書不可失其本趣如近代王履吉書行草學孫 作字惟有用筆與結字用筆在使盡筆勢然須收縱有 祭君謨則點畫不茍矣坡公立論亦雅推君誤 唐法尚新意而本領在其間米元章書如集字是也至 人かられたいち 過庭全失過庭意正書學處全不得處筆處云先臨告 通會不可令古雜出唐人尚法用心意極精宋人解散 度結字在得其真態然須映帶勻美 **汽吟雑録**

惡 與右軍始無别矣履吉多除怪全無右軍體白雀帖尤 金りしんとこう 徳祖 **嘗學祭君漢書欲得字字有法筆筆用意又學山谷老** 代具識審鑒以至今日其有遺繆乃是萬中之一近世 古之名人皆是博學大才一時重譽所傳文字又經歷 去短取長今老矣不能復成其技以此三言為贈與 `欲得使盡筆勢用盡腕力又學米元章始知出入古

任意誠呵也是社的 景龍既以儷偶為文又安得以用事為諱况通世墳籍 倍資於吟詠亦不專在用事今之律詩始於永明成於 杜子美云讀書破萬卷下筆如有神沙覽既多才識自 我同人讀古有疑恐是思之未至母憚博訪詳問慎勿 使嗜好不同慎勿自隱短薄憎人學問便謂詩人不課 不全師匠曠絕假令力學循懼未到古人凡我同人縱 輕薄之流果於非古非惟胎笑將來亦懼有損盛德凡

火之四車之書 人

鈍吟雜録

陶 師淵明不惟自悞更以教人少年倦於討求從之而廢 書史也 尚垂隔或是救時之言矯枉過正或一時快言不為篤 之禮毛公之詩也世人讀書正苦大意未通耳今者朝 我同人若遇此輩所謂損灰絕之可也 公讀書止觀大意不求甚 解所謂甚解者如鄭康成 書至暮便竟問其指歸尚不知所言何事自云吾 議論自有異同或由同時嫌隙或由時代懸遠風

	加北加
	那凡我同人古人
1 1	
1 1 1	
1 1	红土
	上上
	1 14
	10 7
	以上
	且此
	不論母事逐聲也那凡我同人古人所稱自當研求遇所該刺且宜存五節假如王安石不信春秋李泰伯不喜孟子此亦可以
	[포] [발]

次至日本全古

1		
鉱		3 1
鈍吟雜録卷七		1 .
雜		1
録		,
之	ŀ	5
		بز

少正夘吾不知何如人若吾夫子之言則王安石似之 而亂天下者庸儒也庸醫人惡之庸儒至於喪天下其 欽定四庫全書 禍烈矣儒者猶歌頌而尸祀之何哉 讀神農黃帝之書而殺人者庸醫也讀周孔堯舜之書 鈍吟雜録卷八 遺言 常熟馮班撰

次との見る書

此吟雅録

學行義如买譜有錄網局雖实秋亦只如此至於對局 趙普小人也讀論語而用之宋以三百年方孝孺君子 若少正夘生於宋雖有孔子亦不得而誅也 爭勝之時却有靠不著他處論語便句句用得趙韓 岩用得論語全便是伊周也 也讀大學行義而用之建文君之亡忽馬辟之於实大 便有沁漏處偏枯過當處不善讀者往往認錯不免被 語文字甚妙宋儒語録不做文字無討論潤色之功

在一天三天 二二

他誤了 災 之四車全書 孟者始知英氣害事孟子只要說得透快如舜受克之 程子云孟子有英氣余初不解此語後來見俗儒有非 傳經之儒周孔不如是也 太史談尚黃老而薄儒術揚雄班固皆以為識文中子 簡能易則易知簡則易從然則儒者可大可久只簡易 儒者也却云史談善言九流何耶易曰乾以易知坤以 而已烏得云博而寡要勞而少功耶史談只論得後代 此吟雜録

以後不可行也孟子說話都說得極透堯舜以道相傳 人許多議論要了他天下罷了連女兒都要他的不免 做得文字好便是不幸程子有為言之也不如孔子云 應問曰一段亦是透頂說話後人便道他行不得便是 已甚只當云尊其位重其禄行其道讓天下者自唐虞 天下非所私也古人為道如此三代之下難言矣如桃 不知孟子意思

天下不以為泰此言可也又說王公之尊賢便生出後

文莫吾猶人也躬行君子則吾未之有得較說得周匝 儒者最忌二事有門戶有架子 詳穏 王之道去之遠矣 不知時勢不智也不顧人情不仁也不智不仁而言先 大略浮名最害事 莊子云虎狼仁也父子不相食只此便是性善假令下 愚不移他也有漸減不盡處首子說性惡都不曾在源 1). In. 1). Li モや上来

仲尼沒而微言絕七十子沒而大義虧處士橫議九流 蟲鳥猶有一倫馬五倫不備何以為人 金牙四人子言 道家說話又有刑名家說話然其好處自沒不得 政害於其事非聖人不能辨也如管子有儒家說話有 沸腾持之有故言之成理生於其心發於其政發於其 頭上理會 孟子曰以友天下之善士為未足又尚論古之人然則 詩讀書尚論古人只應求他善處宋人論古事如酷 ŧ ŕ . .

意 無事於文繡也文貴其達意無事於華綺也應之曰不 儒者之言曰食取其充腹無事於膏粱也衣取其禦寒 失雖有疎略亦史關文之義也蘇子由古史全不解此 其事可信其事不可信非愚則誣矣一本於六藝則無 太史公識見極高從百世之後論百世以前之事而曰 誠心不正惡而不知其美之其所賤惡而辟馬者也 吏案罪見法賴取不肯原情考實此無他只是好善不

STUDING OF THE STATE OF THE STA

純吟雜録

得膏梁而食葵藿不得文繡而衣疏布蓋不得已也必 金ケレム 鄙倍矣 也小人之言鄙其極也必至於倍君子出詞氣必遠於 葵藿疏布而後衣食則惑矣孔孟之文皆如金玉古之 人必有道矣齊景公有言曰不見君子不知小人之拙 病 人文字則知文字好處正不在華綺儒者不晓得是 平常說話其中亦有文字歐陽公云見人題壁可以知

沙宝四事全書 ~ 賢人乎如孟子之閥楊墨不得已也世之証古人以成 今有郡邑於此賊稅不均民困盜起用子產乎儒者曰 詩曰巧言如流孔子曰巧言令色謂佼人之口也如左 其文者斯言之玷乎 吹毛求疵洗垢索瘀君子不為况於古人乎况於古之 證者雖先儒所言吾有疑馬存而不論可已 丘明做得文字好子產為命豈是巧言儒者或誤認 聖人之所是賢人之所非吾必從聖人凡有是非而無 外吟新好

則俱假 原闕 用子游子睃噫不得子游子睃不免於用庸人也君子 真大地為假乎合之為大地散之為微塵真則俱直 非真天也應之曰自足以上皆血肉也頭非其真頭 八也器之不當求備 曰微塵真地也應之曰真者假之對也必微塵 者以真天真地立教其言曰自地以上皆塵

艾之或未盡耳揚雄以為多愛不忍非也 文主四車主書 人 此時報報 歸之於孔孟後之文人不敢亂說揚子之功也韓退之 漢初文字駁雜至揚子雲壓之以五經驅天下之文盡 **黄帝文多不雅馴為鄉先生難言之其不爱奇也明矣** 太史公日學者載籍極博必取信於六藝又曰諸家言 子儀以告馮子馮子曰京房郭璞儒者所譏也彼之所 謂其門人曰使古無宓戲八卦我能盡之也徐 THE PARTY OF THE P 猶未知馬能畫卦乎

於聖學但其人文士於聖人立身行已之道講之不盡 觀戰國文字聖人之道絕矣惟詞賦尚有詩人之遗揚 比之孟子則過矣直以為有罪無功亦未平 曾南豐皆極重之是也儒者頗譏之吾以為此人有心 子雲云童子雕蟲篆刻壯夫不為班孟堅則云相如之 子雲云長卿文麗用寡則是矣并言賈誼則甚矣 止知惟寂惟寞不汲汲於富貴便謂了事此其所短也 文與詩人之諷刺不異請與知者論之

为主四車全書 量不勝其功不覺過分僭妄其量已滿論語亦要做文 召王亦可以無譏矣然則云器小何也曰論語已明言 是反而已矣若以管子不王為器小商鞅其大乎請隊 之矣大抵器小者易盈伊尹周公自視飲然也管子之 字兩箇或曰跌得極醒 命順乎天而應乎人也天命未絕人心未去而求王則 讀書而言古人之不善不如稱其善之有益於人 一生好處全在不王天命已絕人心已去湯武革 飲吟雜録

或曰孟子不為管仲不知孟子亦不為顏消仲尼之門 無道桓文之事者觀於書蓋亦不道齊太公之事 老故其言如此子長在武帝時則不然矣 雲言之不分别班固亦然何也該生漢景之世時尚黃 談之言也司馬遷之書繼春秋而作子長蓋儒者也子 儒者以六藝為法經傳以千萬數不如老子之約司馬 先黄老而後六經明甚 孔子作世家老子與韓非同傳列國世家書孔子卒不

是故惡夫佞者 宋人說話只要說得爽快都不料前後 知之或學而知之何也又曰聖人之學不是讀書孟子 書契以來便應有書禹稷契皐陶亦怕不是不識字的 以文約以禮論語曰子所雅言詩書執禮這都是甚的 曰尚友古人則曰誦其詩讀其書顏子言孔子教人博 三墳五典九丘八索巳不可見只如伏羲八卦亦是書 今之儒者皆曰禹稷契皐陶何書可讀孔子曰或生而

決定四車全書

銀吟雜録

理乎 朱子云公羊穀梁善說道理今之讀春秋者可不知道 然易已言之仁者見之謂之仁智者見之謂之智百姓 王孔子不是處於朱子之語便不自理會也 日用而不知今之妄人不去理會伏義之易只去尋文 蘇威好古物文中子譏之曰古之好古者聚道今之好

朱子之言他實實有見處方有以言其得於易者深矣

朱子曰有文王之易有孔子之易吾亦曰有朱子之易

肉刑三苗之刑也堯舜以來仍而用之遂為帝王之法 之賊也 作偽非賈人而何更有可恨者修改割截以求利古器 可也不知書而好古器者買人而已評其價值加之以 古者聚財諒哉言乎然鐘鼎珪璽可以觀禮君子尚之 子武以肉刑論為之文曰仍而用之則三王之舊法也 然漢文已革之矣若今日用之是又為三苗也歷代以 來無肉刑天下未嘗不治廢之可也余十二歲時先君 是今上京

文中子論人恕論事實宋人惡之非公論也房杜王魏 潑倚卓静坐做工夫儒者如此然亦非教人枯坐也如 諸君子非情然不知人者北面事之其人可知 齊家治國平天下有事有理領要學知靠靜坐不得 宋之典趙普學論語可以知經之用矣 唐之興廟堂之上皆河汾諸君子也可以知儒之效矣 談性命真開千古之絕學章句之儒陋矣其論忠

金定四人全意

巳廢矣創而行之則三苗之淫刑也先君以為知言

讀朱子語類朱子全書斯人也尸而祝之可也看諸儒 為禽獸乎但論人物談政事言文章便是隔壁說話 君子有黨亦害事觀東林諸君子可見矣如萬歷時定 歐陽公論朋黨真快語也但君子以公義相取不是黨 摘他的説話却把好處都笺去了 儲天啓時閱禍則諸公者豈非天下之正人乎但實與 TANDIOL ALTO 相處未免重門戶便有私意其間大有可議處 孝節義使宇宙間 一日無此議論人道其化為鬼鬼乎 鈍吟雜録

時何等相重宋儒只為要說自子傳道遇著子路子貢 儒者都好立黨有心天下者不可不知只觀他論古人 識處班行之間是非不平一味門戶自然激出事來不 務要尋他短處與他結下冤學論語說十哲諸書說四 便見如曽子畏子路子貢與衛將軍文子言稱曽子當 能容小人尚且害事他每亦容不得君子如何不是個 友只為中間沒了曾子一 一個便生出許多議論如此見

次三日東一時 處多宋人亦說他是說遇都不曾細細推勘子思子云 名之士也宋之蜀洛君子不相容也 是假這個馳驅之法但雜用譎詐有時說遇耳管子正 家說遇不得孟子云未聞手援天下者也五霸假之正 常用之則敗矣故曰雅季之謀萬世之利也治天下國 晉文公譎而不正亦不統尚詐也說遇而獲只可一試 漢人之黨君子小人相攻也唐之牛李功名之士攻功 雍李範找馳驅者也舅犯為之說遇也用舅犯賞雍李 絕吟解释

詩之亡也離縣繼之至於漢而麗淫之賦興矣然蘇李 遇非也 天下國家可均也中庸不可能也管子之謂也以為說 承流而作謝靈運肆覽莊易放意山水陶淵明詩篇篇 末苦清言以老莊為學問名士恣情酒色以為達文人 五言之作謂之麗以則可也五言為於晉宋之際自魏 儒者不解詩多以縁情之作為無益然亦敬杜少陵至 有酒鮑明遠創傾側紅紫之文詩人美剌之義漸遠矣

東軍事主書 西 或曰儒者不喜文章亦不是聖人之道也近似墨子之 **尚非其時則沈湎亦可戒也** 七賢之志也彼皆有為而為之君子不可無陶公之志 無鄙怪仁者樂山智者樂水為之可也陶公言飲酒即 之盛事儒者未之學耳 非樂彼云文章無用若如所言則金石絲竹機不可飽 匹之郭子儀朱晦養亦學陶公夫山水之文使人蕭遠 寒不能温先王以之立教何耶文章經世之大業不朽 鈍吟雜録 主

韓吏部曰尚與楊也大醇而小疵尚不止小疵也言性 若無鬼祭祀為欺人矣 韓吏部之原鬼非儒者之言也古之聖人皆不言無思 若違人情徒以天子之勢强而行之必且尊之以政齊 也非從地出也生乎人情者也因人情而為之節文耳 先王順人情以制禮故天下信之行之禮曰非從天降 惡殺詩書與時遷徙與世偃仰一變而為李斯宜也 之以刑異乎儒者之道而近乎刑法家言矣誰謂首卿

文章之人大者與六經同義其為用也百官以治萬民 荀子之言惟二戴所取為醇也彼有所受之也

知禮者

以祭君臣非此不通朋友非此不合君子以喻其意衆 人以辨其事言之也有徵出之也有倫可以久可以遠

彬彬乎君子之言也小人則不然拙者則鄙而倍得罪

不可以對君子此只是言之不文也儒者好為鄙語而 於名教不合於聖人自是而不可諫巧者則順非諧俗

次定四直下書 鈍吟雅録

惡文章不知其敬也 則當時選文循以理之得失為文工拙至宋人而文章 過秦論論之首也昭明止選上篇為班孟堅之言也然 放膽能細而後能粗能簡而後能繁能純粹而後能豪 變儒者不喜人作好文字亦怪他不得每見村塾小 讀文章規範意中常發惡此書全不論理令具論其 凡學文初要小心後來學問博識見高筆端老則可

イングト

ĕ

於己の事主書 韓公於是乎不知人矣韓公順宗實録於陽道州之卒 韓吏部文章之聖也其諍臣論文則工矣未免為失言 膽文開口便言初學讀之必能放言髙論何可如此豈 則放言高論夫子不為也東坡所不取也謝材得敘放 觀其言語文章循循然其不有規矩不敢放言高論然 乃云由俗入雅真戲論也東坡先生云嘗讀孔子世家 不教壞了初學 放謝蠢山句句倒說了至于俗氣文字中一毫著不得 鈍吟雞稣

退之也 集善文多矣何必選此不惟不愛陽道州亦非所以愛 歐陽公之文創革楊劉之浮華首變唐人之艱谁千古 論上范司諫書二文歐陽公之過也讀之使人髮上指 絕作也至於人品之髙見於史冊此泰山北斗豈可議 **殺其生平此文雖班固不過如此可謂極筆且昌黎之** 謝材得云學歐不成必無精采是何言與乃稱其縱囚 乎然有一病其為文也喜稱人之惡而不樂道人之善

~	 	 -	THE STREET	Carried Marie Co.	 -
シャンラ (日、ノ・・・ う		,	,		
1					
缺吟雜録					, , , , , , , , , , , , , , , , , , , ,
<u> </u>					

-	And in column 2 is not	-		-	and areas.	49 VL) NEW WY	4	-
鈍吟雜録卷							·	金ピロアノ
蘇								1
入八								
								卷八
		-						
1 3								
): 21								l
						}		L
							·	
2								
	ļ		<u> </u>	<u> </u>	<u> </u>	<u> </u>		L

大子可可人工事 之不暇而何有於他患 使六卿並起三家輩出莽操懿温接迹於朝効忠宣力 胡氏曰善為天下國家者謹於微而已云云夫如是雖 初命魏斯韓虔趙籍為諸侯 欽定四庫全書 鈍吟雜録卷九 通鑑網目糾繆 鈍吟雑稣 常熟馮班撰

六鄉並起云 也若三家輩出六卿並起跋扈放恣尾大不掉慎殺者 畏乎巧言令色孔壬哉家不藏甲都城不過百矩謹撥 可容也茍恭操懿温可使効忠宣力又何遭乎有苗何 按胡氏言謹微是也然周道壞於幽厲非直微而已至 太平時可耳若一旦國有大變其人亦難信投間何隙 有是乎且如曹孟德以其才為能臣笮其頭而用之在 為龍為蛇亦恐不可制岩仲達之陰忮全忠之凶狡此 云則謬甚矣舜誅四凶天下咸服凶人不

七首許為刑人入襄子宫塗厠左右欲殺之襄子曰真 趙襄子漆智伯之頭以為飲器豫讓欲為之報雙乃挾 者言與經背何哉 與同中國見不善而不能退退而不能遠過也胡氏儒 承家小人勿用禮不云乎惟仁人放流之舜諸四夷不 躁擾愚妄則誤國殃民亦何忠之可劾易不云乎開國 聖人所該也如王恭者似恭漫天當日之共工也流之 **幽州猶恐不足盡其惡也假令都無惡意為國宣力其**

安全四事全書 四

免學雜雜

之衣三擊之乃自殺待之有禮矣又按賈子讓刺襄子 五起而不中襄子為之一夕三徒夫晉陽之事曲在智 讓以兵圓之曰吾赦子亦已足矣使自為計讓請襄子 豫讓義而捨之又為死人卧橋下襄子過橋馬驚得豫 闊哉胡氏之言也按史記襄子如風心動執刑人知為 以為人臣之勸哉 胡氏曰豫讓可謂義士矣襄子知其如此而終殺之何 義士也吾謹避之耳又伏於橋下欲殺襄子襄子殺之 改定日事之書 成要離乃俠士之為非儒者之大道也趙襄子不幸而 死趙氏之亡未可知襄子何以見簡子於地下哉 **閱哉胡氏之言也輕身以殉一夫之義如王子慶忌之** 乎且捨義士以為人臣之勸亦非所以責分晉之趙氏 不可殺則人主亦危矣哉周公誅武庚亦何以勵臣子 古之賢君聖主未當無征伐也孰無人臣使報等者必 避矣宜必赦之而後為義正應殺之以成其名耳吾聞 民吟雜録

伯襄子無負也其臣為報讐心動馬驚天也豫讓亦難

遇虎不殺曰天下不止一虎非大愚不為此言也吾聞 甚矣胡氏之無識也殺商鞅猶殺虎也虎之類不可盡 利己仁者不為也况天下不止一鞅可勝殺乎 秦徙都大梁魏惠王嘆曰吾悔不用公叔之言 衛軟伐魏誘執其將公子印而敗之魏獻河西之地於 聖賢之人不世出當喪亂之時才術智能如商鞅者亦 胡氏曰使鞅而殺殺鞅而魏常無患未害為殺無罪以 不易有云天下不止一商鞅何言之輕也且云殺無罪 シグレル クラ

已成則無及矣逮於欺公子而取河西魏能殺鞅乎大 如一虎必須其食人而後殺之仁者豈如是乎泰用商 正卯姦人之雄也須其有罪則國家之事受其敗矣譬 以利已仁者不為益愚矣小仁大仁之賊也孔子誅少 齊桓五臣者顛頡誅四子亦無及管仲者知舉春秋之 君天下後世受其毒罪亦大矣不早殺之而待其罪罪 抵書生淺見輕言天下之事輕視天下之人如蘇明允 Cartain Little 云天下有桓公而無管仲吾不信也夫晉文之才過於 鈍吟雜録

漢王奪韓信軍 哉是皆禍於吾道遂使無忌憚之小人肆意妄行輕議 世蓋未有如此人也吾夫子誅少正卯朱子亦疑之皆 楊氏曰韓信之軍禁防疎闊如此使敵人投間竊發則 詩書腐儒之為患於儒門非小 胡寅之類也英雄幹實之人往往惡儒生文士正坐此 楊氏之不知兵甚矣韓信漢將也將者漢兵也漢使至 信可得而擄也

金ラビスノニッ

入即入亦不能入卧內奪取其印符即奪之矣麾召易 舊將見王至自然厭伏故可易置者是敵人軍門不可 所以能為之當是時信所將諸將如曹祭之輩皆漢王 其印符以麾召諸将而易置之莫敢枝梧此亦惟漢王 必有符驗證據然後可入軍門非敵人所能為也漢王 欠足里車を手 置諸將諸將亦不聽二人起此人者可斬也楊氏書生 自稱漢使必示以符驗證據軍門不疑也既入其軍取 妄言人或信其說可嘆可嘆 鈍吟雜録 *J*.

漢遣侯公說項羽請太公呂后羽乃與約中分天下 金ダレノニ 韓王成而楚殺之若漢王西歸釋羽弗擊雖叩頭流 程子醇儒也知小義而不知大義夫張子房以 五世 釋而弗擊此養虎自造思也王從之 月歸太公吕后羽解而東歸張良陳平曰楚兵饑疲今 不義甚矣 程子曰張良才識高速有儒者氣象而亦以此說漢王 相韓報秦於博浪沙中義也以祖父事韓君也身事

哉夫楚漢之事英雄相競以智力耳此固難以儒者之 沙主写真主書 寡人願從諸侯擊楚之殺義帝者令若與項羽約分天 **殺義帝漢王至洛陽為義帝發喪哀臨三日告諸侯曰** 血以爭之可矣程子以為不義且曰不義甚矣此何 · 乗而取之耳使得休息他時捲土再來楚漢之成敗不 項羽剽悍賊害漢王與戰不能當也幸其失計窘迫可 道論即以儒道論之程子之說亦非也請詳言之項羽 下而去是失大信於天下也夫君子為義當務其大者 此以新朝

火者宜如是耶以臣弑君大不義也湯武行之大易以 可知天下之民自此塗炭亦未知何時而已使無罪之 侯公要之以中分天下曰自鴻溝以西為漢鴻溝以東 然髙祖有太公父也循武王有文王也太公執於楚人 為應天順人孟子以為誅一夫項羽屠殺之慘桀紂亦 之中猶賢於湯武之放殺也若曰湯武必不失信又不 不至是區區失小信而取之不義亦微矣救民於水火 一肝腦塗地較之失小信於項羽孰大孰小救民於水

天子周為藩臣世世子孫不敢有貳若直告之以發政 大恐儒者該之於武王曰此西伯非文王也赫怒奮於 施仁日辟百里之事文王且烹脯矣及戡黎之日殷人 為楚文王囚於羑里太公散宜生請之於殷必曰殷為 取之大不義也 阮疆臨衝折於崇掮宣亦武王乎奄有其土徒而居之 何也如宋儒之見則當請於天子為二國更立賢主乎

災之四車全書 八

純吟雜録

	 	 	 	-	-
鈍吟雜録卷九				;,	
			ļ		
		 -2			L

非今以所見載之於紙汝輩時一省之所益非少長寢 無餘憾所可念者汝輩生計貧薄學業無成以為假假 耳我平生更歷患苦見事頗多內省自訟豈惟五十知 欽定四庫全書 忽感小疾遂至沈篤引鏡視面殆恐不濟年近七十亦 鈍吟雜録卷十 將死之鳴 · 2 / 1 · 5 ET 毛吟雅球 常熟馮班撰

金定四人生 之後此書存者如我未死也 子之後何渠無益古人三餘讀書亦不妨於諸業也士 負販小人知畫甲乙能記姓名便與流輩不同况士君 家世素業不可賴發吾家以讀書相傳業之貴者也變 人染於禮教雖有不令未至十分顛蹶流冗市井所為 華以來寒進路絕子弟多廢書吾每恨之正未之思耳 鄙倍有不可以理格者所知一人頗能治生亦非大不 旦盡伐其先襲松柏余騰而止之乃曰去家遠守

哉此無他不學之思也 士君子不必有奇節惟平惟實可以保身平則無一朝 行不願乎外居易以俟命平也戒慎乎其所不睹恐懼 之為難不如伐去用心如此先人不保邱差矣可不惟 乎其所不開實也聖賢亦私如此 之患實則患至可以不懼然此二字殊不易了素位而 シャンカー・ハイン 余生於萬歷之季當時士大夫子弟舉業之外不得通 技觸事面牆往往可笑在今日豈得爾語云家有干 鈍吟雜録

放於利而行多怨非保生之道也先兄每云見利思義 義不勝利思必不能自克余應之曰不如見利思害先 不可得食也 金不如薄技在身一技足以養生也但為之須恒不恒 倚伏之理然也惟有道者知之老子曰天網恢恢疎而 兄浩然而數以為知言夫有無故之利必有無故之害 不漏小人識應淺短惟見其疎不知其不漏為惡無忌 不成學之須精不精則無名哉碌碌在千百人中亦

金安にあるこ

次三回車三方 愚者難防正以其行許先兄每相戒勿與愚人原 者不可以理格君子避之孔子曰今之愚也許原嗣 點者損人以利已愚者損人以害已點者可以原門 之言必無欺人 以為監明哲保身但問克終何如一時之間小小利鈍 也其遠者乃在子孫如葉林宗何士龍身死無子遺可 不足計也亦安知其不為福書易多言善惡之報聖人 以為天道無知積惡滅身受禍慘烈耳目所見吁可畏 鈍吟雅録 闒 愚

點甚者則熟鞭朴之下使人不生善念光叔 好酒之人勿與謀事防其醉而泄也 最得人情非後世愚儒所解也然今時無良 古者不親教蓋望之切責之急必至於賊恩 隷正為子弟無教耳 繼志述事非所責於市井小人常見冠盖亦 不親教但勿傷於過嚴耳過嚴之弊子弟馴 不孝以無後為大有子而不知教不孝殆有 非吾常親 三光大 鬨 原 療 原 隔 M 15. 闖 أتنا (#)

次 正四年主書 萬歷之末士子不學然一時名士亦無頓至憤愤所見 如面發亦而走自鼎革以來余遊北方士君子好為詩 言黃藴生必不第藴生連中兩榜余戲之曰蘊生竟何 如方應祥胡震亨李流芳皆胸有數千卷有一俗儒當 婦人不知男子之事勿令教子 見嚴 淳耀死節名人也 · 汝華不知 於我所親 詞容縱橫於道路讀書者亦不至機餒也為生名 鈍吟雜録

